



KEMENTERIAN PERDAGANGAN DALAM NEGERI
DAN HAL EHWAL PENGGUNA

TEKS UCAPAN

YB DATO SRI ALEXANDER NANTA LINGGI
MENTERI PERDAGANGAN DALAM NEGERI DAN
HAL EHWAL PENGGUNA

BERSEMPENA

MAJLIS PENYERAHAN PERANTISISWA KELUARGA MALAYSIA
DAN PENYAMPAIAN SUMBANGAN *FOOD BANK* UiTM CAWANGAN
SARAWAK

BERTEMPAT DI

DEWAN JUBLI, UiTM CAWANGAN SARAWAK

PADA

RABU 2 NOVEMBER 2022 | 2 PETANG

Terima Kasih kepada Pengacara Majlis
Selamat Petang dan Salam Sejahtera,
Salam Keluarga Malaysia.

YANG BERTHORMAT DATO' SRI HAJAH NANCY HAJI SYUKRI

- Menteri Pelancongan, Seni dan Budaya

YANG BERBAHAGIA PROFESOR DATO DR. JAMIL HAJI HAMALI

- Rektor UiTM Cawangan Sarawak

YANG BERBAHAGIA DATUK AZMAN BIN MOHD YUSOF

- Ketua Setiausaha Kementerian Perdagangan Dalam Negeri dan Hal Ehwal Pengguna

**YANG BERUSAHA PROFESOR MADYA TS. CHM. DR. MOHAMAD ISA
BIN MOHAMADIN**

- Timbalan Rektor Bahagian Hal Ehwal Pelajar (BHEP) yang juga menjalankan tugas-tugas Timbalan Rektor Bahagian Hal Ehwal Akademik & Antarabangsa (BHEA) UiTM Cawangan Sarawak

**YANG BERUSAHA PROFESOR DR. ABANG ZAINOREN ABANG
ABDURAHMAN**

- Timbalan Rektor Bahagian Penyelidikan dan Jaringan Industri (PJI) UiTM Cawangan Sarawak

YANG BERUSAHA PROFESOR MADYA DR. HASMAH MOHIDIN

- Penolong Rektor Kampus Samarahan 2 UiTM Cawangan Sarawak

YANG BERUSAHA PROFESOR MADYA DR. SAIMI BUJANG

- Penolong Rektor Kampus Mukah UiTM Cawangan Sarawak

YANG DIKASIHI SAUDARA AMIR ZUHAILY BIN Z Aidan

- Yang Dipertua Majlis Perwakilan Pelajar Sesi 2021/2022

barisan pengurusan utama universiti, pengurusan tertinggi KP DNHEP dan MOTAC, ketua-ketua bahagian, rakan-rakan media, barisan Majlis Perwakilan Pelajar Sesi 2021/2022, para staf, tuan-tuan, puan-puan serta para pelajar yang dikasihi sekalian

1. Bersyukur kita pada hari ini, kita dapat bertemu dalam majlis yang julung-julung kali diadakan iaitu **Majlis Penyerahan Peranti Siswa Keluarga Malaysia & Perasmian Program Food Bank Siswa UiTM Cawangan Sarawak.**
2. Terlebih dahulu, saya mengucapkan jutaan terima kasih kepada warga UiTM Cawangan Sarawak atas jemputan ke majlis yang penuh gemilang ini.

Para hadirin,

3. Untuk makluman semua, Inisiatif Program Food Bank Siswa adalah salah satu Inisiatif di bawah Program Food Bank Malaysia (PFBM) yang dilaksanakan oleh Kerajaan bertujuan untuk membantu meringankan kos sara hidup rakyat selain dapat mengurangkan pembaziran makanan. PFBM ini telah rasminya dilancarkan di Peringkat Kebangsaan pada Disember 2018 di Kompleks Penyayang Pulau Pinang . Sejak Ogos 2018 sehingga Oktober 2022, seramai 684,156 ahli isi rumah telah Berjaya mendapat manfaat daripada program ini.
4. Saya juga dimaklumkan bahawa pihak KPDNHEP telah meluaskan Inisiatif Program Food Bank Siswa di UITM

Cawangan Sarawak yang berkonsepkan *Food Pantry* dan telah beroperasi sejak Disember tahun 2021.

5. Program Food Bank Siswa ini juga merupakan kolaborasi antara Kementerian Perdagangan Dalam Negeri, Sekretariat Food Bank Malaysia, Rakan Strategik Utama, Institut Pengajian Tinggi, Pihak Penyumbang dan Sukarelawan pelajar bai memastikan pelaksanaan program berjalan dengan lancar dan lebih sistematik.
6. Objektif Program Food Bank Siswa ini adalah untuk membantu para mahasiswa dalam menangani kos sara hidup yang dihadapi oleh pelajar dan mengurangkan beban pelajar supaya mereka lebih menumpukan pada akademik.

Hadirin yang dihormati,

7. Sejak pelancaran pada Februari 2019 sehingga Oktober 2022, seramai 21,025 telah menerima manfaat dan program ini telah dilancarkan di 28 IPT dan pada hari ini UITM Cawangan Sarawak merupakan IPT yang ke-29 secara rasminya menerima manfaat ini.
8. Oleh itu, Pihak Kementerian amat mengalu-alukan sumbangan badan korporat, pemain industri sektor

pemborongan, peruncitan dan catering serta orang perseorangan untuk menjadi rakan strategik Program Food Bank dalam membantu golongan yang memerlukan sebagai sebahagian dari tanggungjawab sosial korporat dalam meringankan bebanan kos sara hidup golongan B40.

9. Untuk makluman semua, Akta Perlindungan Penderma Makanan 2020 telah diwartakan bagi menggalakkan sumbangan kepada mereka yang memerlukan dengan meredakan kebimbangan penderma-penderma khususnya pihak industri terhadap risiko tindakan undang-undang sekiranya berlaku perkara yang tidak diingini. Akta ini akan menjadi tunjang kepada menyokong usaha –usaha Kementerian bagi membasmi pembaziran makanan dan kekurangan sumber makanan bagi golongan yang memerlukan di Malaysia.

Hadirin yang dihormati sekalian,

10. Kementerian telah melaksanakan Inisiatif Pembungkusan Makanan secara retort yang melibatkan industri perhotelan, catering dan pengeluar makanan berasaskan pertanian. Inisiatif Teknologi Retort ini akan memanjangkan hayat makanan antara 12 sehingga 18 bulan.

11. Makanan retort ini adalah bersifat "*Ready to Eat*" dan amat sesuai untuk pelajar. Sehingga kini, Kementerian telah menempatkan dua belas (12) mesin retort di sepuluh (10) lokasi terpilih dan telah menghasilkan lebih daripada 3000 pek makanan dan telah berjaya di selamatkan serta diagihkan kepada golongan yang memerlukan sejak Mei 2021.
12. Harapan saya dengan wujudnya Food Bank Siswa di kampus ini sedikit sebanyak dapat membantu anak-anak siswa yang kurang berkemampuan dan memerlukan untuk mendapatkan keperluan makanan di sini.
13. Saya juga berharap Program Food Bank Siswa ini dapat dilaksanakan secara berterusan dan jaringan kerjasama bersama rakan-rakan strategik dipergiatkan. KPDNHEP dan SFBM bersedia untuk menerima apa-apa cadangan dan maklum balas agar program ini dapat dilaksanakan dengan berkesan.

14. Saya merakamkan setinggi-tinggi ucapan terima kasih kepada pihak yang terlibat dan bekerjasama untuk program ini. Saya berharap program ini akan dapat dijayakan dengan cemerlang dan berterusan. Dengan penyerahan sumbangan Kotak Food Bank kepada pelajar pada hari ini, maka dengan rasminya UITM Cawangan Sarawak menjadi IPT yang ke-29 menerima manfaat daripada Program Food Bank Siswa di bawah KPDNHEP.

Hadirin sekalian,

15. Untuk makluman semua, inisiatif PerantiSiswa Keluarga Malaysia telah diluluskan di bawah Belanjawan 2022 diterajui oleh Kementerian Komunikasi dan Multimedia Malaysia (K-KOMM) dengan kerjasama daripada Kementerian Kewangan Malaysia (MOF) dan Kementerian Pengajian Tinggi (KPT).

16. Kerajaan menyasarkan seramai 350,000 mahasiswa akan menerima manfaat daripada pelaksanaan inisiatif PerantiSiswa pada tahun ini. Setakat yang dimaklumkan hingga 25 Oktober 2022, sebanyak 287,614 permohonan

telah diluluskan seluruh negara bagi PerantiSiswa Keluarga Malaysia jenama Samsung Galaxy Tab A8 LTE.

17. Inisiatif PerantiSiswa merupakan usaha kerajaan dalam membantu mahasiswa di Institut Pengajian Tinggi (IPT) dalam kelompok keluarga B40, dalam memastikan proses pengajian para mahasiswa terus terpelihara. Seramai 400,000 mahasiswa telah dikenalpasti dalam kalangan keluarga berpendapatan rendah (B40) yang terdiri daripada pelajar Universiti Awam (UA), Institusi Pendidikan Tinggi Swasta (IPTS), Politeknik dan Kolej Komuniti.
18. Saya telah dimaklumkan bahawa seramai hampir 1,340 pelajar UiTM Cawangan Sarawak telah diluluskan permohonan untuk mendapatkan PerantiSiswa dan keseluruhannya seramai 7,400 pelajar di negeri ini akan menerima peranti ini dalam masa terdekat. Gunakanlah peranti ini sebaiknya.
19. Saya juga mengucapkan syabas dan tahniah kepada semua pelajar yang telah menerima peranti siswa pada hari ini. Saya berharap agar semua pelajar dapat menggunakan peranti ini dengan sebaiknya untuk pembelajaran yang cemerlang dalam akademik.

20. Saya percaya ledakan digital ini terutamanya di negeri Sarawak yang amat fokus kepada inisiatif pendigitalan pelbagai bidang ekonomi dapat melahirkan Keluarga Malaysia yang celik IT selain memberi ruang kepada lebih banyak inovasi yang akan mengharumkan nama negara di peringkat kebangsaan dan antarabangsa suatu hari nanti

21. Dengan ini sukacita saya melancarkan **Majlis Penyerahan Peranti Siswa Keluarga Malaysia dan Merasmikan Food Bank Siswa UITM Cawangan Sarawak.**

Sekian, Terima Kasih.